

**28 《大乘無量壽經解》  
圓滿成就第九  
皆願作佛第十**

**佛陀教育基金會 假日佛學院  
2025 年 11 月 22 日**

南無本師釋迦牟尼佛（三稱）

（開經偈）

無上甚深微妙法

百千萬劫難遭遇

我今見聞得受持

願解如來真實義

# 複習【積功累德第八】之四 (7/11)

隨所生處，色相端嚴，  
三十二相、八十種好，悉皆具足。

「三十二相」，就佛丈六化身而言，則有三十二相。  
若就報身，則有八萬四千相。

「八十種好」，指八十隨形好，此亦就丈六之身而言。  
若是報身，則有六十四億一千六百萬隨形好。

《觀經》曰：「無量壽佛有八萬四千相，  
一一相中各有八萬四千隨形好。」

$$84,000 \times 84,000 = 7,056,000,000$$

## 二、正宗分

一、 彌陀因地 殊勝願行	法藏勝因	法藏因地第四(時劫悲願)
		至心精進第五(攝受佛土)
	殊勝大願	發大誓願第六(四八大願)
		必成正覺第七(立誓自要)
	從願起行	積功累德第八(修菩薩道)
	果德成就	圓滿成就第九(佛土法身)
		皆願作佛第十(聞經緣勝)

二、極樂依正・清淨莊嚴

三、三輩往生・菩薩禮供

四、二土欣厭・重重誨勉

五、得失雙辨・攝聖顯智

# 圓滿成就第九・科判

佛讚法藏	因圓	佛告阿難：法藏比丘修菩薩行， ……非是語言分別之所能知。
	果滿	所發誓願圓滿成就。如實安住， 具足莊嚴、威德廣大、清淨佛土。
阿難興問		阿難聞佛所說，白世尊言： ……為今現在他方世界耶？
世尊正答	如理正答	世尊告言：彼佛如來， ……無生無滅，非過現未來。
	事顯無礙	但以酬願度生，現在西方…… 無數菩薩、聲聞之眾，恭敬圍繞。

## 【圓滿成就第九】經文（夏會本）

佛告阿難：法藏比丘修菩薩行，積功累德無量無邊，  
於一切法而得自在，非是語言分別之所能知。

所發誓願圓滿成就。

如實安住，具足莊嚴、威德廣大、清淨佛土。

阿難聞佛所說，白世尊言：法藏菩薩成菩提者，  
為是過去佛耶？未來佛耶？為今現在他方世界耶？

世尊告言：彼佛如來，來無所來，去無所去。  
無生無滅，非過現未來。但以酬願度生，現在西方，  
去閻浮提百千俱胝那由他佛剎，有世界名曰極樂。

法藏成佛號阿彌陀。成佛以來，於今十劫。  
今現在說法。有無量無數菩薩、聲聞之眾，恭敬圍繞。

# 【圓滿成就第九】 (1/47)

第九品，名圓滿成就。

以上從第四至第八品，皆顯法藏大士因地願行。

從本品起則是果德成就。

本品內容有三：一、佛讚法藏，因圓、果滿。

二、阿難啟問（淨土何在？）。

三、世尊正答（如理、事顯）。

一、世尊總結前文，

盛讚法藏比丘，修普賢菩薩之大行，

積累無量無邊種種功德，「於一切法而得自在」。

世尊自稱「我為法王，於法自在」，

今以此語讚因地之法藏，乃讚嘆之極也。



## 【圓滿成就第九】 (2/47)

一切自在，即一切無礙，亦即一切圓成矣。  
圓滿成就，融通無礙，才曰「自在」。

又觀自在菩薩之聖號，寓此深密之玄旨。

「自」者，自性也，自心也。

觀自在者，了了見性，了了見心也。

是即甚深般若。

故能照破五蘊，度一切苦厄。

亦即「於一切法而得自在」。

是則以自在為因，仍以自在為果，  
因果同時，不可思議。



## 【圓滿成就第九】 (3/47)

又《會疏》注曰：

「今言於一切法而得自在，

成就世自在王佛之果故也。

言一切法者，即四十八願之法也。

謂莊嚴淨土法，攝取眾生法，莊嚴法身法等也。」

意謂法藏四十八願悉皆圓滿，

願中所攝一切之法，悉皆圓融無礙，

成就世間自在王佛之果覺，故云一切自在。

## 【圓滿成就第九】 (4/47)

清彭際清居士，於此經文亦有深解。簡錄於下：

「法藏以無量心，發無量願，起無量行，  
無不一一稱真如法界。眾生無量，國土無量。  
菩薩隨順眾生，經不可說不可說那由他劫，  
入不可說不可說恆河沙佛土，悉以無量行海而嚴淨之。  
所以者何？以法界本無量故。

如是嚴淨無量佛土，度脫無量眾生，  
而實無佛土可嚴，亦無眾生可度。  
所以者何？以法界即非法界故。

斯則悲智雙融，理事無礙，故能於一切法而得自在。」

上之二說正好互參。

## 【圓滿成就第九】 (5/47)

「非是語言分別之所能知」，

此語真是金剛王寶劍，直下斬盡眾生情見。

今此經文，與《妙法蓮華經》中

「是法非思量分別之所能解」，直是一句，  
一味一音，等同無異。此非偶合，實因體同。  
故下引《法華》，以證經義。

《法華經》云：

「諸佛隨宜說法，意趣難解。所以者何？

我以無數方便，種種因緣，譬喻言辭，演說諸法。  
是法非思量分別之所能解，唯有諸佛乃能知之。

## 【圓滿成就第九】 (6/47)

所以者何？

諸佛世尊，唯以一大事因緣故，出現於世。

舍利弗：云何名諸佛世尊，唯以一大事因緣故，出現於世。

諸佛世尊欲令眾生開佛知見，

使得清淨故，出現於世；

欲示眾生佛之知見故，出現於世；

欲令眾生悟佛知見故，出現於世；

欲令眾生入佛知見道故，出現於世。

舍利弗：是為諸佛以一大事因緣故，出現於世。」

上明諸佛唯因一大事因緣，  
開示悟入佛之知見，而出現於世。

## 【圓滿成就第九】 (7/47)

佛之開示既是「佛之知見」，  
故唯有諸佛乃能如實知之。  
眾生在情見中，起心動念皆是妄想分別，  
故佛雖有種種譬說，  
但眾生於「佛之知見」如聾如盲不能真實解了。

《圓覺經》云：

「未出輪迴而辨圓覺，彼圓覺性即同流轉。」

此顯思量分別不能解了「圓覺」。

南泉云：「說作如如，早變了也。」

（說出個如如，其真實義早已變失了也。）

故云「非語言分別之所能知」。

## 【圓滿成就第九】 (8/47)

當知此之一件大事，言語道斷，心行處滅。

法藏果覺，實非語言之所能宣，

亦非眾生滅心、思量分別之所能及。

在凡夫分上，語言不能知，無語亦不能知；  
分別不能知，無分別亦不能知。

法藏究竟法身妙果，唯有如如與如如智，  
故非凡情所能測。

五法：相、名、分別、正智(如如智)、真如(如如)



# 【圓滿成就第九】 (9/47)

所發誓願圓滿成就。

如實安住，具足莊嚴、威德廣大、清淨佛土。

「圓滿」者，圓妙具足也。

「成就」者，

嘉祥《法華論疏》云：

「具足無餘，不可破壞，故云成就。」

又《往生論註》曰：

「依本法藏菩薩四十八願，  
今日阿彌陀如來自在神力。

願以成力，力以就願。願不徒然，力不虛設。  
力願相符，畢竟不差，故曰成就。」



## 【圓滿成就第九】 (10/47)

所發誓願圓滿成就。

如實安住，具足莊嚴、威德廣大、清淨佛土。

又《法華經普賢勸發品》云：

「若善男子、善女人，成就四法，於如來滅後當得是法華經。一者，為諸佛護念。二者，植眾德本。三者，入正定聚。四者，發救一切眾生之心。」

上《法華》云成就四法，當得法華經。

今則法藏大士所發一切誓願悉皆圓滿成就，故得「如實安住，具足莊嚴、威德廣大、清淨佛土」。

# 【成就四法】 (1/2)

大義《法華經大成》卷1：

「**具實相德**，由前內悟妙心，外修淨行，  
內外清淨，實相之德備矣。

故普賢勸發云：如來滅後，云何能得是經？  
如來答以成就**四法**，必得是經。

一者**諸佛護念**。已得「**理無礙法界**」，  
悟入實相，開佛知見，故得諸佛護念。

二者**植眾德本**。已得「**事無礙法界**」，  
繁興大用，一事一行，皆名實相德本。

## 【成就四法】 (2/2)

三者入正定聚。已得「理事無礙法界」，  
寂照不二，故名實相定。

四者發救眾生之心。已得「事事無礙法界」，  
發起普門事業，救脫眾生，  
各得證入實相，故得是名。

成就此四，為具實相德也。」

菩薩具實相德而得是經，  
具實相德亦必圓滿佛果依正二報。

## 【圓滿成就第九】 (11/47)

所發誓願圓滿成就。

如實安住，具足莊嚴、威德廣大、清淨佛土。

「實」者，真實，亦即實相、真如與法身。

「如實安住」，即如實而安住於此真實之際；  
簡言之，即安住於諸法之實相。

實相者，正本經之體也。

又實相即真如，故「如實」即是「如如」。  
「如實安住」，即《金剛經》之「如如不動」也。

## 【圓滿成就第九】 (12/47)

所發誓願圓滿成就。

如實安住，具足莊嚴、威德廣大、清淨佛土。

又實相即法身，《往生論》曰：

「又向說觀察莊嚴佛土功德成就，莊嚴佛功德成就，莊嚴菩薩功德成就。此三種成就願心莊嚴，應知。略說入一法句故。一法句者，謂清淨句；

清淨句者，謂真實智慧無為法身故。」

今經「如實安住」，即是安住真實智慧無為法身，故即是入清淨句。

## 【圓滿成就第九】 (13/47)

所發誓願圓滿成就。

如實安住，具足莊嚴、威德廣大、清淨佛土。

此清淨攝二種清淨：

一者，器世間清淨；二者，眾生世間清淨。

此一法句，攝二種清淨與上說三種莊嚴，

故云「具足莊嚴」。如《往生論註》云：

「此莊嚴事，縱使毘首羯磨（毘首羯磨乃天帝名。

此天善工藝，巧變化，司建築。）

工稱妙絕，積思竭想，豈能取圖（描繪也）。

性者，本義也。能生既淨，所生焉得不淨。

故經言『隨其心淨，則佛土淨』。」



# 【圓滿成就第九】 (14/47)

所發誓願圓滿成就。

如實安住，具足莊嚴、威德廣大、清淨佛土。

「威德」者，可敬畏曰威，可尊愛名德。

《法華嘉祥疏》曰：

「畏則為威，愛則為德。又折伏為威，攝受為德。」

「廣大」，《探玄記》云：「大以包含為義，……

廣則體極（本體極圓）用周（妙用周徧）。」

又「廣大會」亦為阿彌陀佛名號之一，

具廣大會聚之德，故有此名。

因十方眾生往生極樂，法會盛大，聖眾無量，  
全因彌陀盛德之所感。今經曰「廣大」，正顯此德。



# 【廣大會】 (1/2)

出自曇鸞《讚阿彌陀佛偈》卷1:

「阿彌陀佛初會眾，聲聞菩薩數無量；  
神通巧妙不能算，是故稽首**廣大會**。」

淨空和尚：十方世界無量無邊，有凡聖同居土的六道眾生，不知道有多少，太多太多了！六道眾生念佛往生到極樂世界，數量數不盡，極樂世界統統能容納；不但能容納，沒有看到極樂世界有擁擠現象。這都是我們無法想像的，不是我們能夠思惟、明瞭的，所以它叫「**廣大會**」。

## 【廣大會】 (2/2)

廣大的聚會，這是彌陀威德、大德。

如《解》文：「因十方眾生往生極樂，法會盛大，聖眾無量，全因彌陀盛德之所感」。

這是彌陀的德感，讓十方無量無邊的眾生求生淨土，親近彌陀，接受他老人家的教化。

「今經曰廣大，正顯此德」，這一句就是說的廣大會，「威德廣大，清淨佛土」。

# 【圓滿成就第九】 (15/47)

所發誓願圓滿成就。

如實安住，具足莊嚴、威德廣大、清淨佛土。

「清淨佛土」。

經中十一品云，極樂世界，「清淨莊嚴，超踰十方」。

又《漢譯》中，

阿彌陀佛為無量清淨佛，或無量清淨覺。

蓋極樂乃如來真心之所現，

自性清淨之所成，故無量清淨。

又極樂世界即是密嚴世界與華藏世界之異名。

# 【圓滿成就第九】 (16/47)

所發誓願圓滿成就。

如實安住，具足莊嚴、威德廣大、清淨佛土。

《大乘密嚴經》云：大日如來

「依自難思定，現於眾妙色。色相無有邊，

非餘所能見。極樂莊嚴國，世尊無量壽。」

經明大日如來住於難思之妙定，定中現極樂國土  
與無量壽佛，故知大日即彌陀，密嚴即極樂也。

又云：「密嚴淨土超諸佛國。無有日月及諸星宿，

如無為性，不同微塵。」

又《密嚴經疏》云：「密嚴土者，即是諸佛他受用土。」

又云：「今此密嚴藏，但於清淨如來藏心之所現。」

## 【圓滿成就第九】 (17/47)

所發誓願圓滿成就。

如實安住，具足莊嚴、威德廣大、清淨佛土。

又《往生論》曰：

「以一心專念，作願生彼……得入蓮華藏世界。」

又《金剛頂經》曰：

「唯此佛刹，盡以金剛自性清淨所成密嚴、華嚴。」

皆表極樂即密嚴、華藏，皆清淨如來藏心之所現，  
金剛自性清淨所成，

是以「清淨莊嚴，超踰十方」，

故云「威德廣大，清淨佛土」。

# 【圓滿成就第九】 (18/47)

## 二、阿難興問。

阿難聞佛所說，白世尊言：法藏菩薩成菩提者，  
為是過去佛耶？未來佛耶？為今現在他方世界耶？

## 三、世尊正答。

世尊告言：彼佛如來，來無所來，去無所去。  
無生無滅，非過現未來。

但以酬願度生，現在西方，  
去閻浮提百千俱胝那由他佛剎，有世界名曰極樂。  
法藏成佛號阿彌陀。成佛以來，於今十劫。  
今現在說法。有無量無數菩薩、聲聞之眾，恭敬圍繞。



## 【圓滿成就第九】 (19/47)

阿難從事起問，世尊如理正答。理事無礙，妙顯中道。

(本段前六句，見《宋譯》)

世尊告阿難曰：「彼佛如來，來無所來，去無所去。」

此與《金剛經》中

「如來者，無所從來，亦無所去，故名如來」，一味無差。

靈峰大師《金剛破空論》解之曰：

「以真如無別處所，可從彼來；

生死無別處所，可從此去故。

以有緣則現，譬如水清月現，月實不來；

緣盡則隱，譬如水濁月隱，月實不去故。」

此亦正是本經此三句經文之解。



# 【金剛經破空論】 (1/2)

蕩益智旭大師 (1599 ~ 1655) ,  
於四十二歲 (1640庚辰) , 住漳洲,  
述《金剛破空論》 (在溫陵刊行) 。

其自序云：

「經云：寧起有見如須彌山，勿起惡取空見如芥子許。  
蓋空見撥無因果，能斷五乘善根故也。……  
須知空句破，則四句皆破。破空句，正所以顯空門。  
空門顯，四門皆顯。」

內文云：「為治群盲惡取空，欲申如實不空義；  
不空徧破眾戲論，順悉檀故名破空。」

## 【金剛經破空論】 (2/2)

跋文云：

「金剛般若大旨，

應無所住而生其心一語，足以蔽之。

蓋無住正所謂應住，生心正所以降心也。

而『生心』二字，尤為下手工夫。……

若不生心修六度，則住斷滅相矣。

故余嘗謂此經以實相為體，觀照為宗，文字為用。

舊云無相為體，無住為宗者，非也。」

## 【圓滿成就第九】 (20/47)

蓋如來法身遍一切處，  
更何能言法身從何處來，到何處去？

一切處皆是自性法身故，唯以遇緣而現來去，  
是故經云：「但以酬願度生，現在西方」，即此義也。

以上經句「來無所來（，去無所去）」，  
答所問國界，此屬空間，表十方虛空不離當處。

下則答所問之時間曰：「無生無滅，非過現未來」。  
如《涅槃》云：「諸行無常，是生滅法。」  
「生滅滅已，寂滅為樂。」

## 【圓滿成就第九】 (21/47)

又《首楞嚴觀音圓通章》云：

「生滅既滅，寂滅現前。」蓋證入無生，無生則無滅。

「非過現未來」，蓋時有過現未者，妄念相續故。

前念滅，是過去；下念生，是未來。

妄念不生則亦無滅，則時無過去與未來。

現在念念不住，故無現在。

又既無過去與未來，則何有現在。

是以《金剛經》云：

「過去心不可得，現在心不可得，未來心不可得。」

《信心銘》最末一句為「非去來今」。

正顯三世古今不離於當念。

## 【圓滿成就第九】 (22/47)

上顯法身理體，真實之際；下明方便普度，真實之利。

理不礙事，寂而常照，悲心無盡，垂迹度生，  
故下云：「但以酬願度生，現在西方。……」等等。

「酬」者，報也，答也。

「酬願」即俗語之還願，謂實踐其本願。

「願」即指因地中之四十八願。

今既成佛，  
則本願中無量光壽等等三種莊嚴，無一不實現也。  
四十八願一一之願皆為法身，今則法報化三身成就矣。  
又一一之願皆為眾生，是故必然「酬願度生」也。

## 【圓滿成就第九】 (23/47)

「現在西方」。

「現」者，今也，又示現也。

佛身遍一切處，身土不二，故佛土亦遍一切處。

云西方者，方便示現也。

如《法華經壽量品》云：

「若有眾生來至我所，

我以佛眼，觀其信等諸根利鈍，

隨所應度，處處自說，名字不同、年紀大小，

亦復現言當入涅槃，又以種種方便說微妙法，

能令眾生發歡喜心。」



## 【圓滿成就第九】 (24/47)

今云「**現在西方**」，  
即「隨所應度……方便說微妙法」也。

因此正是「**指方立相，即事而真**」之殊勝方便。

善導大師剖示其義，謂娑婆眾生妄心瀑動，  
指方立相，尚未能專注，況無方無相耶？

又《上都儀》云：

「歸命三寶，要指方立相，住心取境，  
以凡夫繫心尚不可得，況離相耶？」

# 【上都儀】

「上都」是古代對京都的通稱。

唐朝之「上都」 = 長安。

但「上都儀」是指書名？或人名？

疑似善導大師之《觀無量壽佛經疏》卷3〈像觀8〉：

「今此觀門等，唯指方立相，住心而取境，  
總不明無相離念也。

如來懸知末代罪濁凡夫，立相住心尚不能得，  
何況離相而求事者。

如似無術通人，居空立舍也。」

# 【現在西方】

現在

非三世中・現在說法

後後無盡・更無過去

隨諸根利鈍  
為方便說法

西方

理無方所・約事明西

指方立相・即事而真

譬置草引牛  
須繫心槽櫪

吳希仁老師《佛說無量壽經》講表

## 【圓滿成就第九】 (25/47)

「去閻浮提百千俱胝那由他佛刹，有世界名曰極樂」。

上句是《宋譯》文。

《魏譯》為十萬億刹。《唐譯》為十萬億佛刹。

《稱讚淨土佛攝受經》同《宋譯》。

《阿彌陀經》同魏唐兩譯。

諸譯不同，其故有二：

一者，如《法華》所說，隨眾生根器，所說名字不同、年紀大小，是故兩土距離亦可不同；實者極樂娑婆皆遍一切處，互融互攝，本無距離之可言。

二者，「億」、「俱胝」、「那由他」之數，所表大小不一。億有四說：

(一)十萬，(二)百萬，(三)千萬，(四)萬萬。

## 【圓滿成就第九】 (26/47)

俱胝其譯為億，

故亦可為十萬、百萬、千萬，乃至萬萬。

但前三者，則為常用者。

那由他，可為十萬，或千萬，亦有解為萬萬者。

其義不一，是故難校。

今於十萬億取億數之最大者，則為十萬萬萬。

百千俱胝那由他，

取俱胝與那由他之最小者，則為千萬萬萬。

較十萬億大一百倍，故不必局限於數量。

諸經互參，則可知所示現之極樂世界，

距此土至少在十萬億個三千大千世界之外。

(三千大千世界為一佛之國土)

## 【十萬億佛土】

億有四說：十萬( $10^5$ )，百萬( $10^6$ )，千萬( $10^7$ )，萬萬( $10^8$ )。

俱胝譯為億，

故亦可為十萬、        百萬、        千萬，乃至萬萬。

那由他可為十萬，        或千萬，亦有萬萬。

十萬億取億數之最大者，

則為十萬( $10^5$ )萬萬( $10^8$ ) = ( $10^{13}$ )。 十兆

百千( $10^5$ )俱胝( $10^5$ )那由他( $10^5$ ) = ( $10^{15}$ )。 千兆

取俱胝與那由他之最小者，則為千萬( $10^7$ )萬萬( $10^8$ )。

較十萬億大一百倍，故不必局限於數量。



## 【圓滿成就第九】 (27/47)

凡夫聞之，常感極樂甚遠，懼不能去，  
此實由於迷自心量故。

據《楞嚴》，則十方虛空生我心中，  
如片雲點太清裡，何遠之有？

故《觀經》曰：「阿彌陀佛，去此不遠。」  
實因本在眾生各各自心之內也。

又《彌陀疏鈔》曰：「分明在目前，亦何嘗遠。」  
蓮池大師之說，透徹心源。

# 【蓮池大師之說】

《阿彌陀經疏鈔》卷2：

「所謂十萬億者，對凡夫生死心量言耳。

淨業若成，臨終在定之心，即淨土受生之心也。

又謂分明在目前是也，亦何嘗遠。」

懷則《淨土境觀要門》：

「約三諦三觀說之，其疑方解。何者？

就不失自體，東西宛爾邊，

何妨在十萬億剎之外，即妙假也。

就同一性體，不隔毫釐邊，即妙空也。

就不一不異，二相亡泯邊，即妙中也。

亦是一即一切故不妨遠，一切即一故不妨近，

非一非一切故不遠不近。」

## 【圓滿成就第九】 (28/47)

「有世界名曰極樂」。

「世」指時間，過去、現在與未來，所謂三世也。

「界」者疆界，指空間，即四維上下，所謂十方也。

合時與空，故稱「世界」。

「極樂」，梵語須摩提，譯有多名，

亦云安樂、安養、清泰等。

《彌陀要解》謂「極樂」

乃「永離眾苦，第一安隱之謂」。

《彌陀疏鈔》曰：

「顯至極之樂，非人天一切諸樂之比。」故名極樂。

## 【圓滿成就第九】 (29/47)

諸佛國土，隨機所感，有**四種土**。

《彌陀疏鈔》曰：「四土者，

**一曰，常寂光土**。經云：「**毘盧遮那**遍一切處，其佛住處，名常寂光。」是極果人所居。

**二曰，實報莊嚴土**。行真實法，感殊勝報，七寶莊嚴，具淨妙五塵故。亦云無障礙土，以色心不二，毛剎相容故。是**法身大士**所居。

**三曰，方便有餘土**。斷四住惑，屬方便道。無明未盡，名曰有餘。是**三乘聖人**所居。

**四曰，凡聖同居土**。是**四聖六凡**之所共居。」

## 【圓滿成就第九】 (30/47)

凡是凡夫，聖指聖人。

聖人應迹世間，與凡夫同居一處，故曰**凡聖同居土**。

今**娑婆世界**亦名凡聖同居，但此土濁重多惡，不淨充滿，荊棘瓦礫，丘陵坑坎，是乃**同居穢土**。

至於**極樂同居**，池流八德，樹盈七珍；寶蓮佛光，遍滿國土；水鳥樹林，演說妙法；諸上善人，入正定聚，永離眾苦，唯受大乘法樂，是為**同居淨土**。

## 【圓滿成就第九】 (31/47)

又極樂同居淨土，圓明無礙，亦通於常寂等上三土。

《彌陀疏鈔》云：「隨其機異，所見亦異。

有於同居見寂光土；有於同居見實報土；  
有於同居見方便土；有於同居但見本土。」

「《像法決疑經》云：『今日坐中無央數眾，  
或見此處山林、地土、砂礫；或見七寶；  
或見是諸佛行處；或見即是不思議諸佛境界。』  
皆隨機異見也。」

故《彌陀要解》云：「今云極樂世界，  
正指同居淨土，亦即橫具上三淨土也。」



# 【同居淨土・橫具上三淨土】

達默《阿彌陀經要解便蒙鈔》卷2：

「【鈔】橫具上三淨土者，謂諸上善人俱會一處故。

佛在同居，即寂光土；菩薩在同居，即實報土；  
聲聞在同居，即方便土。

又同居橫具上三，方便橫具上二，實報橫具上一。

又寂光橫具下三，實報橫具下二，方便橫具下一。

故後文云：同居淨境，真俗圓融，不可限量也。」

淨空和尚：「同居土以上，方便土的菩薩、實報土的菩薩、寂光土的菩薩，這叫上善。經裡面講「常與諸上善人俱會一處」，我們不知不覺的也得了諸上善人的享受待遇，這是他方世界所沒有的。」……

# 【修行境界該攝・上善下化度眾】

極樂 四土	修行境界該攝				
	凡聖同居	方便有餘 (橫具下一)	實報莊嚴 (橫具下二)	常寂光 (橫具下三)	
常寂光	◎凡夫	◎聲聞	◎菩薩	常寂光 常寂光	上善下化度眾
實報莊嚴 (橫具上一)	◎凡夫	◎聲聞	實報莊嚴 實報莊嚴	◎佛	
方便有餘 (橫具上二)	◎凡夫	方便有餘 方便有餘	◎菩薩	◎佛	
凡聖同居 (橫具上三)	凡聖同居 凡聖同居	◎聲聞	◎菩薩	◎佛	

## 【圓滿成就第九】 (32/47)

又云：「今約信願行三。彌陀名號不可思議，  
故能令凡夫所感同居極樂，最極清淨也。  
此則十方佛土所無，**極樂同居獨擅**，  
方是極樂淨土宗旨。」

以彌陀一乘願海，六字洪名，萬德莊嚴，一句清淨，  
以此最極清淨、不可思議一句彌陀名號之真因，  
自然感得不可思議、最極清淨之極樂同居國土。

極樂世界之同居淨土，超越十方，  
故常曰極樂之妙，首在同居也。

## 【圓滿成就第九】 (33/47)

「法藏成佛，號阿彌陀。」

上明國土，是依報，土為身之所依，故名依報。

佛是能依，故名正報。佛有三身：

一法性身，簡稱法身，居常寂光土。

二報身，居實報莊嚴土。

三應化身，常現方便有餘及同居等土。

又佛之三身，實非一非三，而三而一，

如伊三點，不縱不橫，不並不別，不可思議。

又化身有二：一者示生化身，即示現八相成道之身；

二者應現化身，應眾生機，而現勝應或劣應之身。

又可分為一、佛界化身。現佛界之身。

二、隨類化身。隨九界之類，而現其身。

## 【圓滿成就第九】 (34/47)

《彌陀要解》云：「今云阿彌陀佛，

正指同居土中示生化身，仍復即報即法也。」

謂今經中，正在說法之佛，是指同居土中示生化身佛，同時即是報身佛與法身佛，此語精妙。

《圓中鈔》云：「隨土感見，三身有異。

隨機感見，四土不同。」

是故若於同居，但見同居本土者，

則說法之佛，只是示生化身佛。

若見實報土，則見報身佛。若見常寂光，即見法身。

佛之三身，譬如摩尼寶珠，珠體、珠光、珠影，

三者不相捨離。法、報、應化三身，亦復如是。

同居橫具上三土，亦是此義。表上三土亦即在同居，

故往生極樂同居，功德殊勝，不可思議。



## 【圓滿成就第九】 (35/47)

又阿彌陀佛即是毘盧遮那如來。

如《彌陀疏鈔》曰：

「智覺云：『總持教中，說三十七佛，皆毘盧遮那一佛所現。謂遮那內心，證自受用，成於五智。自當中央法界清淨智。次從四智，流出四方四如來。其妙觀察智，流出西方極樂世界無量壽如來。』則一佛而雙現二土也。」

因彌陀即毘盧，故云：「一佛」。

「土」者淨佛國土。「二土」者，華藏與極樂。

「雙」者兼也，義為兼領，蓋謂一佛兼領兩淨土也。



# 【智覺云・五智五佛】

《宗鏡錄》卷24：

「且如總持教中，

亦說三十七尊，皆遮那一佛所現。

謂毘盧遮那如來內心證自受用，成於五智。

從四智流出四如來，謂：

大圓鏡智，流出東方阿閼如來；

平等性智，流出南方寶生如來；

妙觀察智，流出西方無量壽如來；

成所作智，流出北方不空成就如來。

法界清淨智，即自當毘盧遮那如來。」

## 【圓滿成就第九】 (36/47)

又東密（日本密宗）亦謂阿彌陀佛即是大日如來。  
日興教大師《阿彌陀秘釋》云：

「一者無量壽。法身如來居法界宮，不生不滅。  
是故大日如來或名無量壽佛。  
二者無量光。法身如來妙觀察智光，遍照  
無量眾生，無量世界，常恆施利益。  
故大日如來或名無量光佛。（等等）」

（大日即毗盧。） 阿彌陀具無量義。

一譯無量壽。二譯無量光。三譯甘露王。

密教以此三名，依其次第，表法報化三身。

又可譯為無量莊嚴、無量清淨等等。

又十二光名，亦皆彌陀名號。

# 【阿彌陀祕釋】

日本東密興教大師覺鏐(ㄖㄨㄛˊ)撰。

【覺鏐】 (1095～1143) 世壽四十九。

日本新義真言宗之開祖。元祿三年 (1690)

諡號「興教大師」，或稱「密嚴尊者」。

著有《五輪九字祕釋》、《孝養集》、  
《一期大要祕密集》等，  
悉收於《興教大師全集》五冊中。

其新義真言宗係針對高野之門流而創立者，  
其事相之傳流，稱為大傳法院流、傳法院流。

～《佛光大辭典》

## 【圓滿成就第九】 (37/47)

又阿彌陀三字，每字亦具無量義。

阿字為本不生之義，故是空諦。

彌字為吾我之義，故是隨緣之假諦。

陀字為如之義，故是中諦。

又《阿彌陀秘釋》云：

「阿字，一心平等本初不生義。

彌字，一心平等無我大我義。

陀字，一心諸法如如寂靜義。

## 【圓滿成就第九】 (38/47)

又**阿**字，**佛部**義；示理智不二，  
一心**法界體**相故。

**彌**字，**蓮華部**義；妙觀察智，生法二空，  
實相本來**不染六塵**，如蓮花故。

**陀**字，**金剛部**義；如來妙智，自性堅固，  
能破一切妄想怨敵故。

又**阿**字，**空**義；一心**法體**，本自虛妄相**空**無故。

**彌**字，**假有**義；一心平等，諸法如幻，假有故。

**陀**字，**中道**義；一心平等，諸法離二邊，無定相可得故。

## 【圓滿成就第九】 (39/47)

又**阿**字，有義；一心體相，本有不生，無滅盡故。

**彌**字，空義；一心諸法，自性不可得故。

**陀**字，不空義；一心諸法，本來法身功德，無斷絕故。

又**阿**字，因義；佛界眾生，因一心覺，因一心迷故。

**彌**字，行義；斷人法二我，證生法不空，至佛果故。

**陀**字，果義；示不二一心，如如理智，是則佛果故。

如是差別法門，即名字相。又如是字相，互無定相。

如帝網珠，不可取捨。一心平等，不可得故。」



# 【阿彌陀祕釋】

阿	一心平等 本初不生	佛部 法界體相	空 法體本空	有 本有不生	因 一心覺迷
彌	一心平等 無我大我	蓮華部 不染六塵	假有 諸法如幻	空 無有自性	行 斷我法執
陀	一心諸法 如如寂靜	金剛部 能破妄想	中道 法離二邊	不空 法身功德	果 如如理智

## 【圓滿成就第九】 (40/47)

又曰：「是故唱阿彌陀三字，滅無始重罪。

念阿彌陀一佛，成無終福智。如帝網一珠，頓現無盡寶珠。彌陀一佛，速滿無邊性德也。」

以上《秘釋》之說頓開諸佛秘藏，

直顯持名一法攝盡一切法功德。

專念彌陀，即可迅速圓滿自性本具之無邊妙德。

如上妙諦，直示佛之知見；

正顯此法，實是「一切世間難信之法」。

又《阿字觀》曰：

「自阿字出一切陀羅尼，自一切陀羅尼生一切佛。」

佛號中一個阿字功德如是，故佛號之功德不可思議，明矣。

## 【圓滿成就第九】 (41/47)

「成佛以來，於今十劫」，

表四十八願圓滿成就，成等正覺，號阿彌陀佛。  
從法藏成佛至釋尊說經時，已歷十劫。

但應著眼此云十劫，正是為酬願度生示現之事相，  
此乃一期應機之權說；  
若究其實，則彌陀實久已成佛。

彌陀即大日如來，已見於上所引證之《大乘密嚴經》。

## 【圓滿成就第九】 (42/47)

茲更引三證：

一、《法華經化城喻品》云：

「乃往過去無量無邊、不可思議阿僧祇劫，  
爾時有佛，名大通智勝如來。」

又「其佛未出家時，有十六子」，  
「爾時十六王子，皆以童子出家，而為沙彌」，

「我今語汝：彼佛弟子十六沙彌，  
今皆得阿耨多羅三藐三菩提，於十方國土現在說法。  
……西方二佛，一名阿彌陀(是第九子)。……第十六  
我釋迦牟尼佛，於娑婆國土成阿耨多羅三藐三菩提。」

上明彌陀乃十六王子中之第九王子，  
釋迦是第十六王子。釋迦成佛以來，已無量劫，

## 【圓滿成就第九】 (43/47)

如《法華壽量品》云：

「爾時佛告大菩薩眾：諸善男子，今當分明宣語汝等。是諸世界，若著微塵及不著者，盡以為塵，一塵一劫，我成佛以來，復過於此百千萬億那由他阿僧祇劫。」

又「如來見諸眾生樂於小法，德薄垢重者，為是人說：『我少出家，得阿耨多羅三藐三菩提。』然我實成佛已來，久遠若斯，但以方便，教化眾生，令入佛道，作如是說。」

釋迦於印度成佛，成佛以來，於今二千餘年，實為方便之權巧示現。故彌陀於極樂成佛，「於今十劫」亦復如是。實皆久遠成佛。

## 【圓滿成就第九】 (44/47)

### 二、靈芝《彌陀經義疏》云：

「《楞嚴勢至章》云：『我憶往昔恆河沙劫，有佛出世，名無量光。十二如來相繼一劫。』準大本（指《無量壽經》）中，即彌陀也。」

（其意為：根據《無量壽經》，  
《楞嚴》中之無量光如來即阿彌陀佛）

今經（指《阿彌陀經》）大本，皆言十劫，乃是一期赴機之說，不足為疑。」

上為靈芝師引《楞嚴》恆沙劫前有佛名無量光，證明彌陀久已成佛，十劫只是權說。



# 【圓滿成就第九】 (45/47)

三、《箋註》云：

「依真宗（指密宗）之教意。

則西方之阿彌陀，於胎藏界主證菩提之德，  
於金剛界主大智慧門。  
妙觀察智之所成也。

然則大日如來成道之年劫，不可說，不可思議。  
彌陀之成道，亦不可說，不可思議。」

以彌陀即大日故。

## 【胎藏界、金剛界】

二者合為密教根本兩部。

密教視宇宙中一切皆為大日如來所顯現，

表現其**智德**方面者稱為**金剛界**；

表現其**理性**方面者稱為**胎藏界**。

如來內證之智德，其體堅固，不為一切煩惱所破，

猶如金剛寶石之堅固，不為外物所壞，

故**金剛界**具有**智、果、始覺、自證**等諸義。

反之，如來理性存在於一切之內，由大悲輔育；

猶如胎兒在母胎內，亦如蓮花之種子蘊含在花中，

是故譬之以胎藏，

故**胎藏界**具有**理、因、本覺、化他**等諸義。……

# 【十劫意義】

(一)

現在說法

時正未央

宜速求生・一生成辦  
親承導師・無佛前佛後之難

(二)

法門殊勝

收機廣大

無量聖眾・既多且易  
已經成就・有無量聲聞菩薩

吳希仁老師《佛說無量壽經》講表

## 【圓滿成就第九】 (46/47)

「**今現在說法**」，言「**今現在**」則非過去與未來，直指當下，故云「**今現在**」。表阿彌陀佛是現在佛，當下此時正為眾生說法，故應發願往生，禮覲聽法，依法修行，速補佛位。

又彭際清居士曰：

「不唯爾時（釋尊說法時），名為現在。乃至於今，以及後後無盡，同名現在。以佛壽無量也。」

故知此非三世遷流之現在。

而是後後無量，直是常住，故永稱現在。

且無論今後若干久遠時劫，

凡有人讀到「**今現在說法**」，則正指此時此刻，彌陀正在說法，因彼佛說法無間也。

## 【今現在說法】 (1/2)

《阿彌陀經疏鈔》卷2：

「如釋迦、彌陀，均名現在，而小不同。…」

釋迦，現在之過去；彌陀，現在之現在也。…」

今釋迦雖滅，彌陀現存。但得往生，便能親炙。

而不信不願，徒為無益之悲。…」

釋迦未出世前，彌陀亦現在說法。

釋迦既滅度後，彌陀亦現在說法。

乃至今日，猶云現在。

後後無盡者，以釋迦說法，止於四十九年。

迦葉而上，彌勒而下，縱年數多，亦有限量。

## 【今現在說法】 (2/2)

未若彌陀說法，至為久遠，諸佛莫及。  
是故不唯今日猶名現在，後後無盡，  
皆可名為現在說法也。…

實則彌陀現在，即釋迦現在。…

皆毗盧遮那一佛所現，謂遮那內心，證自受用。  
成於五智，自當中央法界清淨智。

次從四智，流出四方四如來。

其妙觀察智，流出西方極樂世界無量壽如來，  
則一佛而雙現二土也。故清涼云：即本師也。」



## 【圓滿成就第九】 (47/47)

至於說法者是何身？

據《彌陀疏鈔》意，說法者，當是應身，然亦兼報。

如《觀經》云：「佛身高六十萬億那由他恆沙由旬」，  
則是報身說法。

《疏鈔》又云：

「有謂說法是應身報身，有謂三身齊說，各隨機見。」

三身齊說，則說法者雖是應身報身，實亦兼法身矣。

「有無量無數菩薩、聲聞之眾，恭敬圍繞」，  
因彼土聖眾無量，復有十方前往禮觀聽法之聖眾  
亦皆無量。悉皆圍繞彼佛座下，一心恭敬聽佛說法。

## 【說法者】 (1/2)

《阿彌陀經疏鈔》卷2:

「諸佛說法，多種不同。今是依正皆說，  
詳如此經，及大本、觀經中說。」

「有謂說法是應身、報身，  
有謂三身齊說，各隨機見。……

應身說者，有云：

法身一向不說，報身具說不說，應身定說。

則彼佛說法當是應身，然亦兼報。

如大本：高出一切世間之身(本書p.812)，

觀經：六十萬億那由恒沙由旬之身，則豈定丈六。

然經云：報化非真佛，亦非說法者。

何得定言法身不說。當是隨機所見，自不同耳。」

## 【說法者】 (2/2)

《阿彌陀經疏鈔演義》卷2：

「當是隨機所見者，

凡小權乘，但見應身說法。

大乘登地，乃見報身說法。

若圓頓菩薩，乃見法身說法。

以佛本無三，隨機所見，自不同故。」

## 二、正宗分

### 一、 彌陀因地 殊勝願行

法藏勝因

法藏因地第四(時劫悲願)

至心精進第五(攝受佛土)

殊勝大願

發大誓願第六(四八大願)

必成正覺第七(立誓自要)

從願起行

積功累德第八(修菩薩道)

果德成就

圓滿成就第九(佛土法身)

皆願作佛第十(聞經緣勝)

二、極樂依正・清淨莊嚴

三、三輩往生・菩薩禮供

四、二土欣厭・重重誨勉

五、得失雙辨・攝聖顯智

# 【皆願作佛第十】經文（夏會本）

佛說阿彌陀佛為菩薩求得是願時，  
阿闍王子，與五百大長者，聞之皆大歡喜。

各持一金華蓋，俱到佛前作禮。

以華蓋上佛已，卻坐一面聽經。

心中願言：令我等作佛時，皆如阿彌陀佛。

佛即知之。告諸比丘：是王子等，後當作佛。

彼於前世住菩薩道，無數劫來，供養四百億佛。  
迦葉佛時，彼等為我弟子，今供養我，復相值也。

時諸比丘聞佛言者，莫不代之歡喜。

## 【皆願作佛第十】 (1/5)

本品唯見於漢吳兩古譯。品中有兩要義：

- 一者，阿闍王子等聞經歡喜，  
發願成佛，如阿彌陀佛，釋尊即為證明。  
是為啟發我等，今日得聞此經，  
亦當如阿闍王子發起大願也。
- 二者，佛說是諸王子，已於無量劫中行菩薩道，  
過去生中即佛弟子，故今復相值，  
此表一切諸法不離因緣。  
故知我等今日得遇此經，聞是淨宗妙法，  
亦必多生以來蒙受兩土導師教化濟度，  
故於今日方能有如是殊勝因緣也。



## 【皆願作佛第十】 (2/5)

此王子與五百長者，  
正是現在與當來一切含靈之典範。

「聞之皆大歡喜」，此歡喜非一切世樂可比，  
乃因彌陀究竟圓滿、超世希有之大願而喜；  
為彌陀圓證菩提，大願成就而喜；  
為彌陀證此究竟方便，以持名妙法普度一切而喜；  
為我等與當來一切含靈，皆依此法以度生死而喜；  
並為我等亦可輾轉教導眾生，普令度脫而喜。  
是故此喜，世所未有，故曰「大歡喜」。

## 【五百大長者】 (1/2)

(漢譯): 「時阿闍世王太子與五百大長者迦羅越子  
…阿闍世王太子及五百長者子」

(吳譯): 「阿闍世王太子與五百長者迦羅越子，…  
阿闍世王太子及五百長者子，  
聞阿彌陀佛二十四願，皆大歡喜踊躍。」

### 【五百長者子】

指長者之子五百人。常見於經典之中。

## 【五百大長者】 (2/2)

依《維摩經・佛國品》所載者，維耶離國長者之子五百人與寶積童子共詣佛所，持七寶蓋供養於佛。

又《觀佛三昧經》卷三謂，五百釋子見佛之端嚴身相如見炭人，亦如羸瘦婆羅門，佛乃為說本生因緣。

蓋毘婆尸如來應供正遍知般涅槃後，於像法中，有一長者名為日月德，其不信佛法之五百子，即此五百釋子之前生。

～《佛光大辭典》

## 【皆願作佛第十】 (3/5)

「**蓋**」者，**寶蓋**。以之獻佛。

「**作禮**」者，**禮拜**。**禮敬供養**，表衷心敬信。  
故上諸句，表「**至心信樂**」。

「**卻坐聽經**」以下，表希求佛智，聞法無厭足也。  
並皆發願作佛，「**皆如阿彌陀佛**」。

見賢思齊，願我之大願、大行、大慈、大悲、  
大智、大力，如是一切，皆能如阿彌陀佛，  
住真實慧，攝淨佛國，普利有情，  
是即真發菩提心也。

故我等聞經之人皆應如是，信樂禮敬，發無上心。

## 【皆願作佛第十】 (4/5)

「佛即知之」者，如來悉知悉見也。

《觀經》曰：

「諸佛如來是法界身，入一切眾生心想中。」

是以人心與佛心無毫釐許間隔，

故感應道交不可思議。

大眾發心，「佛即知之」，

並立即證明曰：「是王子等，後當作佛」，

乃為授佛記也，是表願力不可思議。

普賢以十大願王導歸極樂，

彌陀以四十八願接引眾生，

一切皆賴信願行為資糧而登彼岸。

是故省庵師云：「修行急務，立願居先。」

## 【皆願作佛第十】 (5/5)

(彼於前世住菩薩道，無數劫來，)

「供養四百億佛。迦葉佛時，彼等為我弟子。  
今供養我，復相值也」，表善根與因緣之不可少也。

本經〈福慧始聞品〉曰：

「若不往昔修福慧，於此正法不能聞。  
已曾供養諸如來，則能歡喜信此事。」  
今我等能遇是經，復能信受，則決非小緣；  
蓋由於過去生中，非於一佛二佛而種善根，  
實於無量佛所種諸善根也。

故亦應如阿闍王子等，聞經發願，持六字之德號，  
入一乘之願海，輾轉教授，同證彌陀也。

(時諸比丘聞佛言者，莫不代之歡喜。)(第二卷終)



雪廬老人淨土詩偈

浮名浮利不貪求  
世俗萬緣一筆勾  
五蘊苦空終是鎖  
西方速去莫淹留



# 迴向偈

願以此功德，莊嚴佛淨土。

上報四重恩，下濟三塗苦。

若有見聞者，悉發菩提心。

盡此一報身，同生極樂國。